

दाई शीतल शीतल शीतला

तोरे जस ल गावंव वो, महिमा सुनावंव वो,
अंतस भीतरी वो दाई, तोला सोरियाँवव ॥

दाई शीतल शीतल शीतल, जगजननी बिमला,
तोरे जस ल गावंव वो,,,

जईसे लइका लोहरी लेके, मया लपटाए वो,
अंचरा के छईहां पाके, कइसे मुसुकाये वो ।
महतारी के तन के गोरस, पेट भर पाये वो,
अंतस के सगरो आसा, छीन म सिराये वो ॥

तोरे कतको रूप हे ना, जगजननी बिमला,
घेरी बेरी जावंव वो, माथ ल नवावंव वो..
अंतस भीतरी वो दाई, तोला सोरियाँवव ॥

जुरियाये नर अउ नारी, बइठे तोर दुआरी वो,
निछमल छईहां दे दे, मया दे दुलारी वो ।
कतको तोर जस ल गाके, तरगे महतारी वो,
सुनले बिनती ल हमरो, नहकादे पारी वो ॥

करौं निसदिन सुमिरन ना, जगजननी बिमला,
पान फूल लावंव वो, चरन म चघावंव वो..
अंतस भीतरी वो दाई, तोला सोरियाँवव ॥

आनी बानी जीव जगत म, दाई गुन गाये वो,
चारो मुड़ा सोर उड़त हे, जय हो महामाये वो ॥
बनके गंगा महारानी, जग भर ल तारे वो,
पोथी लिख बाढ़े महिमा, पार नई पाये वो ॥

गौतम ल तार देबे ना, जगजननी बिमला ,
बली बली जावंव वो, हिरदे ल जुड़ावंव वो..
अंतस भीतरी वो दाई, तोला सोरियाँवव ॥
तोरे जस ल गावंव वो....

गायक - दिवेश साहू (7415990599)

रचनाकार - गौतम गुरुजी

संगीत - सेवक राम यादव

श्री जय माँ चंडी भजन मंडली लाखे नगर गांधीनगर रायपुर (छ. ग)

Source: <https://www.bharattemples.com/dai-shital-shital-shitla-jagjanni-bimla/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhKzSUD-Lt9Tw>